

a presso la Valona, a dì 30 septembrio. Comme la pratica di Durazo è stà discoperta; il sumario di la qual letera scriverò qui di solo.

In questa matina zonse qui la galia di Sallò, e le altre do veronese vien drio, et li fo dato tuto il servido a li galioti e altri, per dar bon cuor a ritornar, *ita consulente* in coleio.

165 *Copia di alcune relatione, fate per domino Constantin Laschari, stato al caraman, per nome di la Signoria nostra. Narra di le cosse di Sophi; le qual fonno lete in coleio et in pregadi.*

*Serenissimo et illustrissimo principi et excelentissimo domino, post debitas commendationes.*

Jo, Constantino Laschari, bon servidor di questa illustrissima Signoria, per obedir a quella, che dovesse diponer in scriptura cercha a le cose imposte per vostra serenità, de le cose del signor caraman, *deinde* de el signor Sophi, el qual è principio de tuta la Persia, che el serenissimo imperador Uxon Cassan dominava. Et prima, zonto fu' a Tarzo, che fo a di 18 mazo, subito mandai uno messo a Tauris, al signor caraman, con lettere de vostra serenità, facendolo intender tanto, quanto per questa illustrissima Signoria me è stà imposto. De lo qual signor ebbi aviso, sì como a la vostra serenità io ho scritto, et subito me parti' de Tarzo, per andar a trovarme con el dito signor, el qual trovai in Ostanquif, lontan da Tauris zornade 15, con certi cavali 300. Fato le debite revisitation, da parte de vostra serenità, narandoli quanto questa illustrissima Signoria era disposta a darli ogni favor et ajuto contra il tureho, a zò podesse esser ritornato in suo stato. De che sua signoria ne recevete grandissima consolation, et insieme cavalcassemo inversso Aleppo, in la qual terra stessemo insieme zorni 5. Et, da poi molti consulti et rasonamenti fati insieme, la sua signoria deliberò mandar uno ambador in Cypro, a le excelentie de quelli rectori de vostra serenità. I qual invero i ha fato bona acoglientia al dito ambador, como de quelli son certo la vostra serenità habia particular aviso circha a questo ambador; et de la promessa fatta al suo signor de artelaria et galie, che nè altra cossa desiderava questo signor; et tanto più, che 'l signor Sophi, visto lettere che io scrivo, dito signor subito li comesse, che dovesse vegnir verso la Caramania, che *etiam* lui li veniva drieto, per meterlo in signoria. Lo qual signor caraman, et da tuta la sua gente fu certificato, haver cavalcato

insieme con signor Sophi tre zornade inversso a lo paexe dil turco con tuto lo suo exercito, per esser *primo* in Ameto a diseziar principi à quel signor, el qual è debilissimo, non pò far 5000 tra combattenti, gente inasperta et mal in ordine in arme; et poi, quanto serà in Ameto, farà deliberation per qual strada deba intrar in Caramania, per esser 3 et 4 passi. La potentia del qual signor Sophi era combattenti 80 milia, tra cavali e a piedi, gente persiana di gran experientia de guerra, ben armadi de armadure, per l'oro et per li cavali, perhò che 'l fior de armadure che son al Cayro, per li schiavi se trazeno de la Persia, de una cità che se chiama Siraxi. De che, serenissimo principio, me ho voluto ben far cauto, non tanto del signor caraman, quanto de tute le sue gente, come *etiam* d'altre persone 165\* venute da Persia, che tutti s'acordano di questa potentia et esser cussi ben in ordine. *Deinde* el signor caraman, che li fosse preparata la sua venuta de virtualie; perhò che andava contra la casa otomanina, como heretichi da la fede macometana et usurpadori del stato de molti signori macometani; et che se intendeva con questa illustrissima Signoria; et plui, che 'l dito signor caraman narandoli quanto per vostra serenità li haveva dechiarito. *Præterea* el dito signor Sophi, havanti che partisse de la Persia, per ogni rispetto, et per tolerse davanti li ochij tutti li suspeti che podega haver, preseno con le sue forze tutti quelli signori, che erano in la Persia, di numero 80 in 90, e feceli tagliar la testa et tuti soi figlioli, fin in terzo parentado; la qual cossa piasseto a tutti li populi, per le gran tyranie che fevano et maximamente a li mercadanti. *Insuper*, el signor de Tauris costui fuzete, et andò al Cayro, a domandar socorsso al signor s Idano, del qual non ha 'uto niun favor; et, trovandomi in Aleppo, io lo vifi tornar dal Cayro con 25 cavali e andar inversso Amet, per trovarse con quello altro signor, molto mal contento, et quanto questi do signori insieme zoè d' Ameto et de Tauris, con tuti li favori che posano mai aver, non porano far cavali 7 in 8 milia. Ben è vero, serenissimo principe, che el gran tureho havea mandato uno suo fiolo inversso questo loco d' Ameto, in favor de questi do signori, uno suo fiolo con potente hoste, chi diceva di 30 milia, chi de 40 milia, in socorsso de questi do signori. Che, per el parlar dil signor di Caramania et de altre gente che venivano de Persia, el signor Sophi, con lo suo exercito, jera più potente di quello che se stimava, et ben in ordine, e tanto più quanto l'andava per la fede contra questi eretici otumanini, di poca fede, usurpa-